



Thomas S Brudalen  
Brudalen 112  
2870 Dokka

Saksbehandlar, innvalstelefon

Linnea Karoline Vereide, 61266062

## Dokkajuvet naturreservat - dispensasjon - Gjennomføring av arrangementet "Fullmånekveld ved Skolmen bru"

---

**Statsforvaltaren i Innlandet gir Skolmen krets v/Thomas S. Brudalen, løyve til å gjennomføre arrangementet «Fullmånekveld ved Skolmen bru» den 17. januar 2022 innanfor Dokkajuvet naturreservat, med heimel i § 7 bokstav d) i verneforskrifta for Dokkajuvet naturreservat. Løyva er gitt på bestemte vilkår som er skildra nedanfor.**


---

### Søknaden

Vi viser til søknad av 30. november 2021, om løyve til å arrangere «Fullmånekveld ved Skolmen bru» innanfor Dokkajuvet naturreservat i Nordre Land kommune.

Det er Skolmen krets v/ Thomas S. Brudalen som søker om å halde arrangementet, og det er planlagt at arrangementet skal haldast 17. januar 2022, frå kl. 18.00 - 23.00. Det vil bli servert mat frå huset i Skolmdalen og brua og berget på austsida vil bli ljossett med små ljoskjelder. Det vil også vere ei bålpanne ved huset i Skolmdalen.

Sjølve arrangementet vil gå føre seg på oppbrøya veg ved brua, ved Skolmdalen og på brua. Det er ynskje med ei løyve for opp til 100 deltakarar på arrangementet.



*Skravert raudt = Dokkajuvet naturreservat, blå sirkel = området kor arrangementet i hovudsak vil bli haldt (huset i Skolmendalen, Skolmen bru) (InnlandsGis).*

### **Lovgrunnlag**

Dokkajuvet naturreservat blei verna 19. mars 2021. Formålet med forskrifta er å bevare eit område som representerer ein bestemt type natur i form av ei stor, variert og velutvikla bekkeløft med rike skogtyper som lågurtskog og høgstaudegranskog. Området har særleg betydning for biologisk mangfald ved at det er leveområde for svært mange sjeldne, sårbare og trua arter, særleg lav, sopp og mosar. I tillegg har det betydning for det biologiske mangfaldet at området er viktig for klippehekkande rovfugl, og elva har ein svært viktig gyteplass for storaurestamma i Randsfjorden. Det er ei målsetting å behalde verneverdiane i mest mogleg urørt tilstand, og eventuelt vidareutvikle dei.



Jf. § 3 bokstav a) i verneforskrifta er vegetasjonen, irekna døde busker og trær, verna mot skade og øydelegging. Vidare er dyrelivet, irekna reirplassar og hiområder, verna mot skade, øydelegging og unødig forstyrning, jf. § 3 bokstav b). Det er ikkje tillat å bruke naturreservatet til større arrangement, jf. § 3 bokstav d), og bålrensing er forbodet, jf. § 3 bokstav e).

Generelle unntak i § 4 bokstav e), opnar for at brenning av bål med tørrkvist frå bakken eller medbrakt ved i samsvar med gjeldande lovverk er tillat.

Forvaltningsmyndigheita kan etter søknad gi dispensasjon til avgrensa bruk av naturreservatet for aktivitetar nemnt i § 3 annet ledd bokstav d), jf. § 7 bokstav a) i verneforskrifta.

Jf. naturmangfaldlova (nml.) § 7 skal prinsippa i §§ 8-12 leggjast til grunn som retningslinjer ved utøving av offentleg myndigheit og vurderinga skal komme fram i slutninga.

### **Statsforvaltaren si vurdering**

Dokkajuvet naturreservat består av ei stor og djup bekkeløft kor elva Dokka renn i botnen av kløfta. Det er stor variasjon i vegetasjonen i reservatet, kor det langsmed elva og mange sidebekker er rik vegetasjon med innslag av kalkskog lengst sør. Det er og stadvis ein del daud ved og gamle trær. Av dei raudlista artene som er registrert i kløfta, er dei fleste knytt til blokker, berg og trær med høg luftfuktigheit. Mellom anna er huldregras (NT), klåved (NT), fossenål (EN), taiganål (VU), elfenbenslav (EN), grønnsko (NT) og svartgubbe (EN) registrert. Vidare hekker det fleire klippehekkande rovfugl i kløfta. Dokkajuvet naturreservat blei verna i år (2021), og kunnskapsgrunlaget er difor heilt oppdatert og godt, jf. nml. § 8. Nml. § 9 «føre-var-prinsippet» vektlegg vi difor i denne saka i liten grad.

Jf. nml. § 10 skal ein påverknad av eit økosystem vurderast ut frå den samla belastninga som økosystemet er eller vil bli utsett for. Statsforvaltaren vurderer det som viktig at ein i størst mogleg grad unngår tiltak i verneområde som kan virka forstyrrande på dyrelivet eller føre til skader på plante- og dyrelivet. Det er difor viktig å vurdere kva følgjer dispensasjonen kan få for framtidige søknader på liknande tiltak. Arrangementet er planlagt gjennomført i løpet av ein dag/kveld, i tillegg vil det vere noko aktivitet i området i forbindelse med forberedelsene med arrangementet og oppryddinga. Det er i Skolmdalen registrert ein sensitiv art igjennom fleire år, men Statsforvaltaren vurderer at tiltaket vil få liten betydning for arten då det skjer utanfor den sårbare reviretablerings- og hekkeperioden for arten. Vi vurderer at denne aktiviteten vil vere avgrensa og difor i liten grad forstyrrande for dyrelivet, og vi vurderer difor at tiltaket ikkje vil få nemneverdig påverknad på naturverdiane og ei heller medføre at den samla belastninga på økosystemet overskrid kva området klarar, jf. nml. § 10.

Dette vil vere fyrste gongen arrangementet «Fullmånekveld ved Skolmen bru» blir arrangert. Søkjer har vore tydeleg på at det er tenkt å vere eit årleg arrangement, men at ein i fyrste omgang søker for eit år av gongen. Det er i søknaden lagt fram eit ynskje om at løyva skal gjelde for 100 deltagare. Søkjar er sjølv ikkje sikker på at det faktisk vil bli så mange som deltek, og det er mellom anna difor at det berre søkjast for eit år, for å sjå kor stor interesse det er for arrangementet. Om det skulle bli 100 deltakare vurderer Statsforvaltaren at det er eit høgt tal, og det må reknast som eit stort arrangement. Statsforvaltaren set difor vilkår om at etter arrangementet er over, skal det sendast ein oversikt over kor mange som faktisk deltok. På den måten kan vi få ein peikepinn på kor stort arrangement dette vil vere i framtida, med tanke på framtidige søknader.

Det er i søknaden opplyst om at det vil bli hengt opp ljuskjelder på brua og på berget på austsida. Vi ynskjer at alt som blir hengt opp i naturreservatet blir teken ned etter at arrangementet er over, og



at arrangør ser til at alt av søppel og andre materialar som er eit resultat av arrangementet, blir plukka opp og fjerna frå naturreservatet, jf. nml. § 11 «om kostnadene ved miljøforringing skal bærast av tiltakshavar». Nml. § 12 «om miljøforsvarleg teknikkar og driftsmetoder» vurderer vi å ikkje ha relevans i saka.

På bakgrunn av ovannemnte vil Statsforvaltaren gi søkjer løyve til å gjennomføre det arrangementet som skildra i søknaden. Vi vurderer at tiltaket ikkje vil vere i strid med formålet med vernet og ei påverke verneverdiane nemneverdig. Vi vurderer at tiltaket kan skapa noko presedens, då andre aktørar kan tenkjast å ville arrangere noko liknaden i andre naturreservat, men vi vurderer det som uproblematisk dersom det er liknande tidsavgrensa arrangement i områder med same naturverdiar og på ein tid av året kor det er mindre forstyrrende å ferdast i marka.

### **Vedtak**

Statsforvaltaren i Innlandet gir Skolmen krets v/ Thomas S. Brudalen løyve til å halda arrangementet «Fullmånekveld ved Skolmen bru» den 17. januar 2022 innanfor Dokkajuvet naturreservat, med heimel i § 7 bokstav d) i verneforskrifta for Dokkajuvet naturreservat.

Følgande vilkår er knytt til løyva.

1. Løyva gjeld for gjennomføring av arrangementet for ein dag i januar, 17. januar 2022.
2. Arrangøren skal sørge for at alt av søppel i forbindelse med arrangementet blir plukka opp og rydda bort.
3. Vi sett krav om at ein oversikt over tal påmeldte deltakare blir sendt over til Statsforvaltaren så snart arrangementet er gjennomført, og seinast innan 1. februar 2022.

Denne dispensasjonen er gitt i medhald til verneforskrifta for Dokkajuvet naturreservat. Dykk må sjølv avklare behovet for løyver etter anna lovverk og grunneigars løyve før arrangementet kan haldast.

### **Klagemoglegheit**

Statsforvaltaren viser til at vedtaket er eit enkeltvedtak ein kan påklaga etter forvaltningslova sin § 28. Klagefristen er 3 veker frå dette brevet er motteken. Eventuell klage på vedtaket skal stilast til Miljødirektoratet, men sendes via Statsforvaltaren.

Med helsing

Vebjørn Knarrum (e.f.)  
avdelingsdirektør

Linnea Karoline Vereide  
rådgiver

*Dokumentet er elektronisk godkjent*

Kopi til:

NORDRE LAND KOMMUNE Postboks 173 2882 DOKKA  
SNO